



明穆宗實錄

卷三十二至七十

隆慶三年五月至六年五月

大明穆宗莊皇帝實錄卷之三十二

隆慶三年五月甲辰朔 命陝西總督標下遊擊將軍尹濂充  
分守寧夏寧州左恭將以固原遊擊將軍為事官石玉代之  
命隴水守備署都指揮僉事馮健僉書廣東都司事○乙巳○  
陞禮科左給事中劉繼文為都給事中刑科右給事中光懋吏  
科右給事中溫純為左給事中禮科給事中李己兵科給事中  
宋良佐為右給事中繼文純已俱戶科懋吏科良佐禮科○丙  
午○廢故分巡善安道僉事張澤子斯盛為國子生以澤嘗督  
兵討鳳雛祖死事也○兵部奏旨條詆京營訓練事宜一議訓  
練謂京營操法率多弛文宜擇營兵中武藝熟閑者立為教師  
每月視等第以給餼原上等增糧六斗次等三斗教師缺即以  
各軍練成者代補每歲視分數以定點陟全隊有成者給冠帶

候補名色把總半者賞銀牌花紅止十數名者始准附過若者  
革職隨操每把總領二百五十人千總領五百人如一司一哨  
練成者優薦候補中軍號頭十分之五者厚賞十分之三若附  
過否者責後功各將領練合營有成者陞督督僉事副將陞都  
督同知俱准實授半者獎賞三分之一者照常供職十分之二  
者罰治否者于祖職上降一級回銜號頭坐營官則以全營論  
賞罰中軍等官則視該營將領為抵昂以後三年之內三營補  
練有效總協大臣請 勅獎諭仍加恩錄不效巡視科道恭論  
點罰每京營合操之日總協仍各入一營操畢掣回一二枝隨  
即舉砲令各營先回而留所掣兵馬步燕試竟日乃止分操之  
日各將官自掣本營數隊一體校閱其所操各藝射把雷增高  
七尺濶三尺俾人易從長鎗圓牌大器弓箭長短相參俾緩急

有濟各營有馬軍士俱令盛甲馳馬演習亦如前議實罰之一  
議將權言叅副遊佐先時有劾於主帥不獲展布者宜令各將  
所部隨意教演寬其文法擬以歲時總備巡視等官間閱有實  
勅者起薦虛飾者叅劾不得輕信浮言挫其銳氣一議軍法言  
國制軍令甚嚴人不敢犯今將偷卒驕勒紛稍加怨謗叢起  
請自今三令五申營操之日有部署已定而不受約束者有事  
未畢而先散者各宜輕重責治罰及其長有造為飛語譁衆者  
輕調煙瘴衝分重擬死罪一議將兵言營卒雖衆堪戰者少宜  
精選三萬人分為戰兵十枝統以十將將有不相宜者可互調  
其選哨總千總法亦如之選定編例什伍隊司取連名供結在  
官其什伍隊長哨總千總取武藝謀勇者以充五人中選一人  
責及伍長二人責及什長伍人責及隊長十人責及哨總私自

更代者法亦如之其三萬人外更選精卒入備兵車兵營內每營量分數百充為奇兵以候摘補戰兵之缺若更不足則以各衛舍餘號健者充之然不得過萬人身終不必勾補各營家丁當核其武藝高下以為去留其選退仍願在營者止食軍糧隨操各將領有隱留者叅論降罰一議補役言營軍在國初三十餘萬景泰後始漸消耗今僅八萬其弊由於冒替多清勾難及補役勞費耳近雖漸次厘革然補軍積弊尚存每當史管則府部文書未往展轉數番至間騙局請自今以後凡各軍有病故告補者查冊有名即行該衛覆實具結呈部本部一行各府知會一送驗軍主事驗發營操有老弱替僉者每歲定以春秋二季開操之日令各軍隨將官過堂驗視強弱照例摘牌僉替備將年貌填記牌面隨查某營若干某營若干不必再候將官

逆冊亦不必更換款據之時總閱手本先行送部本部查冊有  
名即准收補無名行衛取結但傳親族俱准更名食糧異姓則  
治安報者之罪異尋常進改各把總每月朔望報卻行衛查補  
果丁盡戶絕登冊請勾此則因時變通舊規既不廢格而苦補  
軍役與獨得督役亦並行而不悖矣此外則嚴進單之法一月  
以裏不出自首者許滿人首告於本犯名下追銀二兩充實有  
親隣容隱者連坐籍役占之弊各將官遇用者及放遣者俱訪  
治如律一議馬匹凡軍中養馬多賣富差貧以致失忘致多請  
仍照近議先行給補原數務足一萬三千五百匹凡毀竄軍士  
督責各營將領查出記簿每遇兌馬之期即按部以次兌領但  
有損失先將馬匹耳記送官查驗五年之內俱全買補賠償五  
年之外始照舊例追收據冊內賦銀兩上操之時每月末旬各

營官軍馬調集一處總督巡視點驗但有瘦損者五匹以上并責把總十匹以上并責千總五十匹以上恭治將官至於拐馬在逃者騎占賃借者法令俱在亦乞申明一體遵守一議班軍言國初徵取中鄒山東河南大寧等郡司官軍一十六萬春秋輪戍京師乃祖宗居重取輕至急其後在京若於役作逃故既多而買鬪影射之弊亦日甚矣今河土未竣勢不能盡免宜行該營仍將見班官軍選邊隊伍令各備器械隨營練習而以選刺老弱者專備修工之用得旨悉如所議務實行○丁未○諭戶工二部近聞京城百姓為僉報商人負累困苦朕甚憫之其急議處以聞于是禮科給事中劉繼文兵科給事中楊一魁明廣道御史劉思問陝西道御史李學詩及巡視五城御史孫裔興等各疏言恤商事俱下二部并議諭下之日聞者忻然



若更生焉。○戶部奏南京鹽引銅版歲久文不可辨引目增多  
印給失時乞加教鑄造報可。○戊申。○端午節免百官宴。○陞  
翰林院編修王錫爵為南京國子監司業。○陞浙江溫州府知  
府李廷觀為福建都轉運鹽使司運使。○乙酉。○刑部尚書毛  
愷以病乞休不允。○庚戌。○孝宗敬皇帝忌辰。○奉先殿行祭  
禮遣恭順侯吳繼爵祭。○泰陵。○辛亥。○贈故工部郎中岳倫  
為太常寺少卿。○倫在。○先朝以建言死廷杖者也。○初廣東叛  
將之殺耿宗元。○入賊巢也。○賊屯兵平安山大峒等處。○掠海  
豐縣。○鹿境渡河會總兵郭成等方率兵進勦。○而南贛巡撫張  
紳亦遣參將蔡汝蘭等兵。○至于共趨大浦。○白雲屯。○以入平山  
夾攻之。○凡月餘。○各部共擒斬一千三百七十五人。○內生擒真倭  
酋丘吉所一人。○從倭一百餘人。○奪歸被虜通判潘槐。○而下六百

餘人判將周雲翔潰圍出走成部卒擒之捷聞上命先賞蔡汝蘭而下兵部議功至是部言郭成蔡汝蘭執訊獲魄張瀚熊桴運籌制勝張紳救災恤鄰其功均宜先叙而潘果有司官張子弘等坐營守備李岷等二十四員并其餘獲功官兵乞行紀功御史勘奏丘古所及周雲翔等即令臬示以正國法得旨張瀚復原職聽用熊桴等俱開俸桴仍與郭成張紳各賞銀三十兩紵絲二表裏餘悉如議○壬子○提督太和山太監柳朝乞留歲收查錢銀四千三百餘兩修理本山 上從之○戶部尚書劉體乳言太和山看錢歲入不止此數舊雖守土藩臣與內臣共理而收掌出入多內臣主之宜比山東泰山事創令撫按官選委府佐一員專收正費之外餘銀盡解部供造其修理諸務俱命有司量之內臣不得干預疏入忤旨令自陳狀體乳疏謝

曰臣愚不能將順 明命冒瀆 天威罪不容誅但以職司錢  
穀目擊時難竊不自揆欲為 朝廷節財用耳 上責休乳不  
遵 明旨屢次奏擾奪俸半年○南京太僕寺卿汪鍾以母老  
求退不允○癸丑 太祖高皇帝忌辰 奉先殿行祭禮○南  
京監察御史傅寵等上疏言新建伯王守仁止以乘藉机會殄  
滅寧藩而剖符賜券至此於國初汗馬之勲人心未服乞改痊  
錦衣衛于是吏部尚書楊博等覆議曰 國朝封爵之典論功  
有六曰開國靖難禦胡平番征蠻捕反此六功者闕 社稷輕  
重方與安危非茅土之封不足以報宸濠謀反非一日矣一旦  
殺撫臣而起事宜走南都弟令逆謀得成則其禍可勝諱哉守  
仁首倡義兵僅一月而擒之 社稷之功也且往者化安王之  
變比之逆濠難易迥絕遊擊仇鉞以功得封咸寧伯乃人無間

言同一藩服同一捕反何獨於守仁而疑之乎 上以為然乃命守仁封爵准世襲如故○陞南京戶部郎中王徽猷為雲南按察司僉事○延綏口北馬營堡有異雲從西北來白晝晦冥風雷雨雹大作平地水深二尺殺田稼七十里○都察院覆吏科都給事中鄭大經條陳二事一將北直隸屯田御史併於印馬而令巡按官不得侵兩關閱視之職一犯贓提問官負刻期勤結使法在必行毋容僥倖從之○甲寅○陞山西利民堡守備指揮僉事胡希賢四川叙瀘守備指揮使王基仁俱署都指揮僉事希賢山西基仁湖廣各都司軍政僉書○雲南道御史詹仰庇言臣查內官監錢糧如各庫廠及房稅地稅一切靡費動以 御前供用為名陰入私窠則是利歸於己而以過歸朝廷也乞命戶工二部及巡視科道官備查應留應革及出入

多寡之數以杜奸欺再照人君之倉儉四方繫之以安危朝廷之嗜好左右視之為趨向陛下前取戶部銀在廷諸臣將謂充足內帑以備緩急今乃盡以供造鯨山修理宮苑欄龍鳳舡獸觀架傳造堅樞玉盒之費使群小得因而乾沒為聖德累不小伏望念生財之有限思國計之甚難毋作無益以害有益近侍之臣或以織造採辦玩好違逆者悉屏黜而深罪之以彰聖斷疏入上怒責仰庇悖逆狂妄累次不悛命錦衣衛逮至午門前杖一百為民各監局科道大使俱革去悉如舊行○工部奉聖諭議覆科道官劉繼文等所陳恤商事其畧謂諸臣所論言人人殊然大端不外簽點之初在清冒濫運充之後在照時估發預支時給領禁需索均肥瘠而已今商人隸在本部不過五十餘名編審公而法制定凡言官所陳畧已施行

諸商不稱國也惟是赴監輸納之際橫索多門剝膚錘髓則臣等不能越職而爭惟望 皇上親加訓飭仍令科道官備查各監局年例加增之數量為裁減庶前旨不為空言而商困可以少紓 上是之○乙卯 仁宗昭皇帝忌辰遣宣城伯衛國本祭 獻陵○陞實福建南潯等處地方獲功陣亡被傷官軍民兵明世等五百九十九人○虜賊二千餘騎突入五重安關殺傷軍士四人虜四人巡按御史周以敬謂其失事雖小而是時春防官兵尚集乃任冠去未若聞者請治守關百戶蘇正蒙等及太平寨叅將羅端領兵遊擊胡懋功等罪督撫總兵薛綸劉應節戚繼光兵備副使楊錦俱令帶罪防秋以責後效兵部覆奏得旨明懋功奪俸三月羅端行總督軍門戒飭蘇正蒙等各以軍法速治有差○丙辰○遣太常寺官祭京都城隍之

神○丁巳 命有司存問原任南京吏部尚書王學夔刑部尚書陶尚德以江西巡撫劉光濟言二臣皆年踰八十齒德俱尊政也○陞工部員外郎金甌為貴州按察司僉事○戊午○大學士李春芳陳以勤張居正以唐仰庇事獲重譴乃上言科道官 朝廷耳目職在糾繩必平日養其剛直之氣寬其觸冒之誅然後遇事敢言無所畏避若譴怒重加權折過甚將使安氣籍口倘國家有大利害 朝廷有大姦惡誰敢復言之今仰庇號言止以內官監錢糧未明欲行清查以資國用原其本心實亦無他若以出言狂諫或量為罰治亦足懲戒乃杖之朝堂之上盡褫其官似為少重矣迺者九卿科道諸臣皆言 皇上天性寬仁即位以來赦大臣体群臣矜不能赦小過即一二言官有言及乘輿者皆曲賜含容未嘗輒加罪責而仰庇獨以指摘

一事遂蒙重譴不惟上累 聖德臣等居中不言亦有餘媿伏  
乞稍霽 天威將本臣量行降調俾之省改則我 皇上天寬  
地洪之量赦過宥罪之仁將傳之萬世有光矣又惟言路通塞  
實天下治忽所關我 太祖有訓凡天下利病許諸人直言無  
隱所以防壅蔽杜奸萌也此後凡建白條陳悉發臣等看詳可  
採者望嘉納施行或有妄言無當不知忌諱者亦乞俯賜包容  
以獨敢言之氣杜欺罔之端是日九卿楊搏等科道官鄭大經  
孫喬興等各跪稱仰庇言雖狂藉意則盡忠今暴催廢之於國  
体宜而大經等因并諭尚書劉体乾近亦以言受罰與仰庇二  
事俱該聽聞恐四方萬代不曉 聖意委曲妄疑為中貴洩忿  
過歸 陛下臣等實切痛之跪入俱報聞○戶部奉 聖諭覆  
議給事中劉健文等所論恤商便宜五事一明智各場另蒿大



倉黑豆原係營馬及防秋支用本折之間時有愛更然軍商咸以折色為使而官費亦省請今後經營所給不必拘泥成限但視價賤今許全折其防秋月支草糧亦不必別立名色但令在場有草六十萬束有豆三萬石通融接濟召買亦易又御馬監馬數未經覈寔宜會同巡視科道驗數等籍送部關給以杜冒支二倉場各商多係中戶宜令巡青科道五城御史盡心查審必求其富除文武正途如例優免若援例監生錦衣官校傳陞乞陞納級買功諸類止免本身其弟侄子男一体均派且商人名數無用過多舊朋戶類諸宜盡除之免致騷擾三科道部臣會估料價每多避嫌過初令宜稍加從寬定以每歲十月終糴買又御馬監草料視各場倉多寡懸絕殊非事体今後並不許多估以滋侵漁四給放糧價舊多不時今後各商納料過丰宜